



Na osnovu člana. 61. stav (2) Zakona o upravi («Službeni glasnik BiH», broj 32/02 i 102/09), člana 8. stav (2), a u vezi člana 16. stav (3) Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05 i 60/10) i člana 2. stav (1) odluke broj: 07-2-34-2-2804-5/12 od 25.02.2013. godine o potrebi prijema zaposlenika u radni odnos na određeno vrijeme u Sekretarijat Centralne izborne komisije Bosne i Hercegovine, generalni sekretar Sekretarijata Centralne izborne komisije Bosne i Hercegovine, raspisuje

JAVNI OGLAS
za prijem u radni odnos zaposlenika na određeno vrijeme u Sekretarijatu
Centralne izborne komisije Bosne i Hercegovine

1/01 Revizor

1 izvršilac

SLUŽBA ZA REVIZIJU FINANSIRANJA POLITIČKIH STRANAKA

Kratak opis poslova sa posebnim uvjetima za obavljanje poslova:

Revizor ispituje razne aspekte finansijskog poslovanja političkih stranaka; pregleda finansijske izvještaje i upoznaje se s djelatnošću političke stranke i njenom organizacionom strukturom; na osnovu informacija prikupljenih prilikom upoznavanja političke stranke, formira tekući dosje revizora; obavlja kancelarijsku reviziju i identifikira potencijalne oblasti revizijskih rizika i po svom profesionalnom sudu procjenjuje značaj i revizijski rizik; obavlja reviziju na terenu u skladu sa međunarodnim standardima revizije i instrukcijama datim u Priručniku za reviziju; prikuplja dokaze i procjenjuje ih, donosi zaključke kao osnov za izražavanje mišljenja o finansijskim izvještajima i o njima u pisanoj formi izvještava šefa Službe za reviziju; sastavlja izvještaj o izvršenoj reviziji i daje mišljenje o finansiranju političke stranke u skladu sa Zakonom o finansiranju političkih stranaka; daje odgovarajuće preporuke političkoj stranci za otklanjanje nedostataka u primjeni zakona i prati njihovu implementaciju; obavlja i druge poslove koje mu odredi šef službe i za svoj rad odgovoran je šefu Službe za reviziju.

Posebni uvjeti: *VII. stepen stručne spreme, završen ekonomski fakultet, položen stručni upravni ili javni ispit, ispit za samostalnog računovođu, najmanje tri godine radnog iskustva na istim ili sličnim poslovima, poznavanje rada na računaru, spremnost za terenski rad.*

Napomena za sve kandidate:

Pored posebnih uvjeta navedenih u javnom oglasu, kandidat mora da ispunjava i opće uvjete propisane članom 10. Zakona o radu u institucijama Bosne i Hercegovine:

Pod radnim iskustvom podrazumijeva se radno iskustvo nakon stečene visoke stručne spreme.

Opći uvjeti:

1. da je državljanin Bosne i Hercegovine,
2. da ima navršenih 18 godina,
3. da je fizički i psihički sposoban za obavljanje poslova radnog mjesta na koje se prijavljuje,
4. da protiv kandidata nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno sa umišljajem u skladu sa krivičnim zakonima u Bosni i Hercegovini i
5. da nije obuhvaćen odredbom člana IX stav 1. Ustava Bosne i Hercegovine.

Način prijavljivanja

Uz prijavu na oglas potrebno je priložiti slijedeća dokumenta (ovjerene kopije):

- fakultetske diplome (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine) odnosno, za kandidate koji su visoko obrazovanje stekli po Bolonjskom procesu studiranja uz fakultetsku diplomu i dodatak diplomi; iznimno, samo u slučaju da visokoškolska ustanova dodatak diplomi nije uopšte izdavala, niti za jednog diplomca, kandidat je dužan da uz ovjerenu kopiju fakultetske diplome dostavi uvjerenje visokoškolske ustanove da dodatak diplomi nije uopšte izdat niti za jednog diplomca;
- uvjerenja o državljanstvu (ne starije od 6 mjeseci);
- uvjerenja o položenom stručnom upravnom ispitu odnosno javnom ispitu;
- uvjerenje o položenom ispitu za samostalnog računovođu;
- potvrde ili uvjerenja kao dokaza o traženoj vrsti radnog iskustva.

Napomena: Izabrani kandidat će biti dužan dostaviti ljekarsko uvjerenje o zdravstvenoj sposobnosti prije zasnivanja radnog odnosa i uvjerenje da se ne vodi krivični postupak, ne starije od tri mjeseca izdato od nadležnog suda.

Oglas ostaje otvoren dvanaest (12) dana od dana objave.

Neblagovremene i nepotpune prijave neće se uzeti u razmatranje.

Kandidati koji ispunjavaju uvjete oglasa, kao i kandidati koji nemaju položen ispit za samostalnog računovođu, ako se ne prijavi niti jedan kandidat koji ima položen ispit za računovođu, bit će pozvani na razgovor i prethodnu provjeru poznavanja navedenih poslova.

Prijavu sa dokazima o ispunjavanju općih i posebnih uvjeta, s adresom, kontakt telefonom, poslati poštom ili predati lično na adresu: Ulica Danijela Ozme broj 7, 71000 Sarajevo.